

TI IMPORTANS FON TE KHINER TISIPLINIIRE

**Tuu tas khint in lërne im weech woo
ëyer solt keen, un wën ëyer alt wërt,
tuut ëyer sich fon tēm nēt ap lënke.
Provérbios 22:6**



Fer ti eltere

Kuk, ti khiner sin te Hër sayn ërpaxft, un ti frucht fom khërwer is sayn loon. Salmo 127:3.

Weer sayn xtok xmayst, hast sayne soon, awer weer tee liipt, tuut tee friier in richte. Provérbios 13:24

In te ëngst fom Hërkot kepts en xtarek fertraue, un sayn khiner hon en plats fer sich xitse. Provérbios 14:26

Tuu tayn soon in richte wën ti hofnung këpt, un los tayn seel nët xpaare weeche tëm sayn xraay. Provérbios 19:18

Ti tumheet is in te hërts fon een khint ferpun; awer te korichte xtok tuut tee wayt fon tëm wëch xafe. Provérbios 22:15

Tuu nët tas khint ap lënke fer se xpoote, wayl wëns tuu tee mit te xteke xmayst, tuut tee nët xtërpe. Tuu tuust tee mit te xteke xmayse un sayn seel fon te Kheel rëte. Provérbios 23:13-14

Te xteke un ti aanreet këpe kluucheet, awer een khint woo aleen kelos këpt, tuut sayn moter in xaam nëme. Provérbios 29:15

Tuu tayn soon richte, un tee tuut tich ruu këpe; yaa, tee tuut frooheet fer tayn seel këpe. Provérbios 29:17

Un tayn kanse khiner wëre fom Hërkot in kelërnt; un te friit fon tayne khiner wërt kroos sin. Isaías 54:13

Fer ti khiner

Tuu tayn fater un tayn moter eere, tas tuu lang leepe khanst uf em lant woo te Hërkot, tayn Kot, tich këpt. Êxodo 20:12

Mayn soon, tuu nët ti tisipliin fom Hërkot ferachte; un tuut nët miit wëre fon tëm sayn aan reet, wayl te Hër tuut ëyer aan reete weer liipt; soo wii een fater sayn soon këpt, woo ëyer liipt. Provérbios 3:11-12

Ti proope fon Salomon. Een kluuch soon lost en fater froo, awer en xlëcht soon macht traurich fer sayn moter. Provérbios 10:10.

Tuu tayn fater aan heere woo tich kepoer hot, un tuu nët tayn mama ferachte wën se alt wërt. Provérbios 23:22

Khiner, tuut ayre eltere aan heere im Hër, wayl tas is richtich. Tuu tayn fater un tayn moter eere; Tas is tas ëyerste kepoot mit ferxprëche; Tas es tich kuut wëyert un tas tuu lang uf te Ëyert leepe khanst. Efésios 6:1-3.

Tuu tayn fater mit tayn kanse hërts eere, un
ferkës nèt ti phayn fon tayn moter. Eriner tich tas
tuu fon tëne kepoer kep pist; Un wii kxanst tuu
tëne petsaale was se fer tich kemacht hon?
Eclesiastik 7:27-28

Wën mer unser khiner tisipliniire, tuun se yet's
wee, awer tuun sich in te tsukhunft fraye. Wën
mer unser khiner net tisipliniire, tuun se sich yet's
fraye, awer in te tsukhunft prile.

Ti khiner sin ti tsukhunft fon unser lant. Awer
wën se alt wëre oone tisipliin, was wërt ti
tsukhunft fon unser lant sin?

Al ti xlechte kewoonheete fon een elter persoon
sin tii woo net keënert kep sin orer tisipliniirt kep
sin wii eyer noch een khint waar.
Mëyer mise khiner uf phase woo Kot tiife.

Ich hon een stuk fon leewent kleen kehool
Un sanft keformt tas taach fer taach .
Ich sin noch mool khom wii ti yoere rom kang sin
Es waar een man woo ich aan kesiin hon
Er noch tas friirixe impresioon traan
Un ich khënt tee nii mee ënere